

BONERIANO

“
Kabei blanku
ta un símbolo
di behes i no di
sabiduria

BONERIANO

EDITOR:
Bonaire Communication Services N.V.

Djárason 6 Mart 2024

Preis: \$1.25

MIONES MALVERSÁ NA BOPEC

Interes grandi pa Festival Kanto Krioyo



Djaluna Fundashon MOK a reuní ku agrupashonnan musikal pa hasi un sondeo pa wak kontu ku e interes pa ku e partisipantenan pa Festival Kanto Krioyo. Ya kaba por konfirmá ku tin bastante partisipante ku a duna di konosé ku nan lo ta presente den Festival Kanto Krioyo 2024.

CHANGAN AUTO



CS15

[/dabboussimotors](#)


OIL CHANGES ARE BACK WITH

Ladies Day Wednesday

AT NAPA BONAIRE

[SCHEDULE YOUR SERVICE APPOINTMENT TODAY]
☎ +599 787-6272

NAPA AUTO & TRUCK PARTS



xerox™



**OBERSI
ELECTRONICS
BONAIRE**

**LIVE
FM 99**



Interes grandi pa Festival Kanto Krioyo

KRALENDIJK – a reuní ku agrupashonnan pa wak kontu ku e interes
Djaluna Fundashon MOK musikal pa hasi un sondeo pa ku e partisipantenan pa



Festival Kanto Krioyo.

Ya kaba por konfirmá ku tin bastante partisipante ku a duna di konosé ku nan lo ta presente den Festival Kanto Krioyo 2024.

Pues kos lo ta kandela e aña akí, wardando dia 24 di mart, ku ta e fecha ofisial pa inskripshon.

Tambe a pasa den e reglanan pa asina analisá i konfirmá tur kos ku e bandanan ku ta bai partisipá.

Pues, un atardi fruktífero pa Fundashon MOK.

Mas den kurso di luna ta sigui mas detaye.



Rijkdienst Caribisch Nederland

VAKATURA

Bo tambe ke traha pa RCN?
Bo por solisitá pa e siguiente funshonnan:

SZW - Empleado Asuntunan Laboral
IND - Unitmanager

Mas informashon?
Bishitá www.rijksdienstcn.com/vakatura



Pronóstiko di tempu pa Boneiru

Djâmars 05 te Djârason 06 Mart 2024

Leve te parsialmente nublá i chên pa un áwaseru


Awe i mañan lo ta leve te parsialmente nublá i tin chên pa algun áwaseru. E temperatura máksimo lo ta aproksimadamente 31°C, e temperatura mínimo mas o ménos 25°C. Bientu lo ost i moderá, forsa 3 te 4. Djârason bientu lo oumentá te moderá te basta fuerte, forsa 4-5.

Altura di ola: 1.5-2.0 m (4-6 pia).

* Altura di ola válido pa laman grandi

OPTENIBEL NA

Kuranderia popular



Natural i spiritual

Un proyekto di Unesco i FuHiKuBo

Ofisina di FuHiKuBo

Ofisina di Extra

Del Mar BV

\$17,50

Mensaje de la Virgen Maria Reina de La Paz desde Medjugorje

25 de FEBRERO de 2024

“Queridos hijos, oren y renueven su corazón para que el bien que han sembrado dé frutos de alegría y de unión con Dios. La cizaña se ha apoderado de muchos corazones y se han vuelto estériles. Por eso ustedes, hijitos, sean luz, amor y mis manos extendidas en este mundo que anhela a Dios que es amor.

Gracias por haber respondido a mi llamado” **02/25**

Eli Deli Cafe B.V.

ta buska

KOK 40 ora pa siman

-idioma: spaño, ingles i papiamentu.

-min 2 aña di eksperensia, edat min 25 - max 35.

Pa mas info yama telefòn **795-4709**

MIONES MALVERSÁ NA BOPEC

KRALENDIJK- Den transkurso di añanan a malversá miones di dòler na BOPEC. Esaki abogado Lucas Drissen di bufèt HBN Law & Tax a deklará den Korte. “Mi tin tres aña trahando hopi di aserka ku e curator i mi a konstata ku a malversá miones di dòler na BOPEC”, segun e abogado. Ta trata aki di un disputa basta formal entre

BOPEC i eks mèneder general Ethward Manuel. BOPEC a entamá un kaso kontra Manuel i ta eksigí pago di kasi 300 mil dòler.

Ethward Manuel a presentá den sala di korte huntu ku su abogado Edward Winkel. Mester mensioná ku tres aña pasá BOPEC a bai bankarota i mientrastantu tin mas ku 80 trahadó wardando riba

nan salario. Si tur kos kana segun plan otro luna, pues aprel 2024 ta kuminsá paga e debedónan. Remarkabel ta ku Manuel a kuminsá un proseso pasombra segun e, BOPEC deb’è. BOPEC na su turno a entamá e kaso aki bisando ku Manuel a paga su mes kasi 300 mil dòler di mas na salario. Curator a pone e nòmber di Manuel riba e lista di

debedó dudoso.

E disputa

Na 2015 PDVSA a apuntá Manuel komo e mèneder general. Manuel a splika ku e tabatin un tarea spesífiko di drecha e situashon malu di BOPEC. “Mester a adaptá tur kos segun sistema legal Hulandes i e venezolanonan no tabatin idea kon pa hasié”, segun Manuel. Komo e mèneder general e tabata instruí e departamento di finansa i rekursu humano. Manuel a duna instrukshon pa paga su salario sin hasi niun retenshon, pues su bruto ta su nèto. E ta insistí ku esaki ta segun un areglo di expat, sin embargo no tin nada por eskrito tokante esaki. E no ta stipulá den su kontrato laboral tampoko niun kaminda no tin esaki ankrá. Manuel ta bisa ku esaki ta un palabrashon oral ku PDVSA. Abogado Winkel a splika Korte ku ta difísil pa un hende kobra un salario inkorekto pa 5 aña

largu sin niun hende nota esaki. Ademas tabatin basta kontrol finansiero i tur aña a entregá un kuenta anual.

Mal maneho

Abogado Drissen a enfatisá ku ta bou di mal maneho di Manuel, BOPEC a bai fayit. Na momento ku situashon a bai hopi malu Manuel a laga pone ‘beslag’ riba un kuenta di BOPEC. E abogado ta konvensí ku Manuel a hasi mal uso di su funshon pa enrikesé su mes. E tabata gana mas ku 14 mil dòler pa luna sin retené belasting. Despues e mes a duna instrukshon pa subi su salario na mas ku 23 mil dòler pa luna. P’e abogado e situashon ta klaro. Manuel ta un di e hopi personanan ku a enrikes’è nan mes a kosto di e kompania. E echo ku BOPEC ta un parti chikí di PDVSA a hasi posibel ku añanan largu a malversá plaka. Hues ta tuma un desishon den e kaso aki riba 20 di mart 2024.



Kolegio Ehekutivo nobo tampoko tin atministrashon finansiero na òrdu

KRALENDIJK – Mientras den e sosiedat ta murmurá tokante e falta di e posishon firme primintí i e transparensia ku ta oumentá, e kolegio

ehekutivo di Boneiru ta haña tambe aserka un drai di orea di Kolegio di Supervishon Finansiero, Cft, e reportahe di ehekushon entregá

durante e di kuater kuartal di 2023, no ta kumpli ku e afspraaknan hasí,

E promé vershon te asta tabatin défisit ku Cft mester a manda esaki bèk ku e petishon pa esaki ta suministrá di e teksto indikativo obligatorio di lei.

Na e petishon akí seguidamente a duna apénas atenshon den grado limitá, ta sali na kla for di un karta ku e kolegio ku dor un grado di realidat di e sifranan no por a keda stipulá.

Kolegio Ehekutivo ta sali for di e punto di bista ku a sera aña 2023 ku un resultado positivo, pero sí esaki realmente ta e kaso, ta sali na kla te despues numa ku e atministrashon finansiero ta na òrdu.

Cft ya pa hopi aña tras di otro ta krítiko riba e maneho finansiero di Boneiru. Komo lider di oposishon, Clark Abraham di Partido Demokrat, konstantemente tabata kuestioná e diputado di finansa.

Awor ku entretantu e mes ta diputado di finansa pa kuater luna, su responsabilidat di e reportahe di ehekushon ta asina tantu posibel ainda mas fuerte ku su antesesornan.

E tempu di e karta sin embargo ta bini na un momentu importante. Djaluna a kuminsá na Hulanda e konferensia di trabou tokante WolBES i FinBES, kaminda e delegashon di Boneiru ta boga pa eliminashon di Cft.

**TA BUSKA
DOUANE DECLARANT**

- mester tin eskperensia
- mester por dominá programa di **Asycuda - Quickbooks - Microsoft Office**

Mail bo VC na: geermank@yahoo.com

Ta ofresé:
Bon salario a base di eksperensia i benefisio sekundario.

HUSTISIA



Aresto di kuater persona

Persekushon ta kaba ku aksidente

KRALENDIJK -- Den oranan di anochi riba djasabra 2 di mart, alrededor di 11.20 or di anochi, un persekushon a tuma lugá ku despues a terminá den un aksidente riba Kaya Korona. Un patruya ku tabata kore riba Kaya Monseigneur Nieuwindt, a spòt tres vehíkulo ku tabata kore ku velosidat haltu den mesun direkshon riba Kaya Nikiboko Sùit. Pa motibu ku e vehíkulonon a pasa ku velosidat haltu, e patruya a bai tras di e vehíkulonon.

Na e rotònde riba Kaya Nikiboko Sùit, tur tres vehíkulo a pasa na banda robes di e 'eilandje' ku tin mei mei di kaminda miéntras tabatin vehíkulonon aserkando den direkshon kontrali. E vehíkulonon ku tabata aserkando mester a desviá pa evitá un aksidente ku e tres vehíkulonon.

E shofùrnán a sigui kore ku velosidat haltu den direkshon di rotònde Soernan di Roosendaal kaminda seguidamente un di e vehíkulonon a subi Kaya Nikiboko Nort direkshon Amboina. E patruya a bai tras di e outo aki i a duna e shofùr òrdu diferente biaha pa para pero e no a duna oido na esaki i a sigui kore.

Velosidat haltu

Debí na e velosidat haltu ku e shofùr tabata manehá, e agentenan a konsiderá pa stòp ku e persekushon debí na e peliger pa un aksidente. Ademas e shofùr tabata mustra un komportashon di manehá imprudente i tabata pasa diferente vehíkulo miéntras tabatin otro vehíkulonon aserkando for di direkshon kontrali. Na e momentu ei un otro patruya a para skeins riba kaminda pa intentá di obligá e shofùr imprudente pa para.

E shofùr no a baha su velosidat i a sigui kore den direkshon di e outo di polis i a desviá den banda nèt promé ku el a yega dilanti di e outo di polis i a sigui kore den direkshon di Playa. Na e momentu ei a sigui ku e persekushon. Durante e persekushon den Playa, e shofùr a dal den un outo i a sigui kore bai.

Aksidente

Algun ratu despues, e outo a dal tras di un vehíkulo ku tabata kore su dilanti riba Kaya Korona dor di kua e shofùr a pèrdè kòntrol, bai dal den un palu di lus ku konsekuensia ku e vehíkulo a drenta den algun mata i para riba un sitio di stashoná outo di un kompania. Seguidamente dos persona a baha via e porta di dilanti na banda di pasahero di e vehíkulo i a purba kore bai. A duna òrdu

na ámbos persona pa keda pará, pero nan no a duna oido na esaki.

Pa e motibu aki a lòs tirunan di atvertensia den laira. Riba esaki tampoko e sospechosonan no a reakhoná i a sigui kore. Despues di un persekushon kòrtiku na pia, un agente a logra tene un di e sospechosonan. Durante e detenshon, e sospechoso tabata komportá di forma agresivo. Algu mas leu a detené e di dos sospechoso tambe.

Intento asesinato

A detené e promé sospechoso, un hòmer di inisial R.J.S.M.P. di 19 aña di edat pa intento di asesinato, pa delito kontra órden públiko, pa manehá sin reibeweis, pa manehá sin seguro bálido, i pa no mustra un prueba di identifikashon bálido.

A detené e di dos sospechoso, un hòmer di inisial J.S.P. di 19 aña di edat pa delito kontra órden públiko i pa no mustra un prueba di identifikashon bálido. A detené e dos otro pasaheronan di e vehíkulo, un hòmer di inisial K.R.W.T. di 20 aña di edat i un hòmer di inisial Q.J.J.H. di 19 aña di edat, pa no mustra un prueba di identifikashon bálido. A konfiská e outo i a hib'è warda di polis.

Ladronisia di skuter

KRALENDIJK -- Riba djadumingu 3 di mart, a drenta keho di ladronisia di un skuter koló pretu di marka Kymco, modelo Agility, ku numerá MF-1676.

E skuter tabata


stashoná riba un sitio di stashoná skuter, dilanti di entrada di un kompleho di apartamento na Kaya Yuma. E skuter tabata na lòk ku un lòk di stür i un kadena pegá na e tayer di patras.

Entre 6'or di atardi riba djasabra 2 di mart i 10.30 or di mainta riba djadumingu 3 di mart, deskonosinan a bai ku e skuter.

Ta investigando e kaso.

Skuter a dal den Blazer

Un skuter a aksidentá den un blazer djaluna anochi algun minüt promé ku 8'or. No ta konosí ofisialmente kousa di e aksidente, pero mirando e forma kon e outo i e skuter a keda riba kaminda despues di e aksidente, ta e Blazer a kuminsá bai direkshon di Warehouse Supermarket, miéntras e skuter tabata riba kaya Industria, bayendo direkshon di van den Tweel Supermarket. Shofùr di e skuter no a haña herida òf mester di asistencia di ambulans pa atenshon médiko.



ABVO ta invitá tur su miembronan ku ta resortá bou di OLB na un enkuentro informativo i konsulta formal ku e sigueinte tópiko:

Arbeidsvoorwaarden 2024-2026

dia: djârason 6 mart 2024
lugá: sede di ABVO-Bonaire
ora: 16:00 - 17:30

Proposishon a bai pa duna 1.5ora (15:30-17:00) liber pa por asisti na e reunion aki.

**Nos ta konta ku bo presensia!
Direktiva di ABVO-Bonaire.**

ABVO i OLB ta tene un lista di presensia pa registrá esnan ku hasi uso di e ora i mei liber di trabou pa reunion...!

HUSTISIA



Polis a realisá basta detenshon


KRALENDIJK – Polis a realisá basta atenshon e dianan ku a pasa. Riba djadumingu 3 di mart, alrededor di 8'or di anochi, a detené un hòmer di inisial P.G.M.S. di 56 aña di edat na Kaya International pa destrukshon i Lei di identifikashon BES. E sospechoso a destruí porta di su bisiña. Despues ku a dun'é òrdu diferente bes pa muestra un prueba di identifikashon, e no a kumpli ku esaki i a detené.

di 7.20 or di anochi, a detené un mucha hòmer di inisial T.M.A.K. di 17 aña di edat na Kaya Andres A. Emerenciana pa enkubrimentu i pa violashon di Lei di identifikashon BES. Un patruya a duna dos hòmer, unu riba un skuter i e otro riba un 'E-bike', òrdu pa para pa un kòntrol riba Kaya Andres A. Emerenciana. Esaki pa motibu ku e skuter no tabata disponé di un plachi di number. Ámbos hòmer no a duna oido na

e òrdu pa para i a hisa nan velosidat. Shofùr di e skuter a logra kore bai. Despues di diferente intento i òrdu pa para e shofùr di e 'E-bike', el a hañ'é obligá pa para. A duna e sospechoso òrdu pa muestra un prueba di identifikashon, pero e no kier a koperá i a duna informashon falsu. E sospechoso no por a muestra tampoko na unda el a hür e 'E-bike'. Pa e motibu aki a detené i a hib'é warda di polis. A konfiská e 'E-bike' pa mas investigashon.

Polis a atendé ku dos hóben

Polis djaluna atardi masomenos 6:30 a atendé ku dos hóben riba nan skuter na Kaya Korona na altura di DR Bernabela. Tin indikashon ku polis a bai ku a skuternan. Dos outo di polis tabata presente pa atendé e situashon.



Boneiru birando hopi violento

KRALENDIJK – A detené un hòmer di Boneiru ta birando mas i mas violento si tuma nota di notisianan polisial di último tempu. Entre otro pa menasa, delito kontra órden públiko i destrukshon

Riba djabièrnè promé di mart, alrededor di 5.55 or di atardi, 'meldkamer' sentral a risibí notifikashon tokante un pleitu entre bisiña na Hanchi Amboina. E patruya a intermediá entre e persona ku a mèldu i e persona enbolbí i despues a bai for di e sitio.

Algun ratu despues, 'meldkamer' sentral a risibí un notifikashon atrobe ku tin un pleitamentu andando entre e mesun bisiñanan i ku tin tiramentu di bòter.

A detené un hòmer di inisial O.D.A.M. di 32 aña di edat pa destrukshon i delito kontra órden públiko, un hòmer di inisial A.M.D. di 33 aña di edat pa menasa i un dama di inisial L.C.M.P. di 30 aña di edat pa delito kontra órden públiko.

Alrededor di 10.10 or di anochi riba djaweps 29 di febrüari, 'meldkamer' sentral a risibí notifikashon tokante un bringamentu entre diferente persona na un bar riba Kaya Korona.

Na yegada di patruya, niun hende na e sitio no kier a bisa nada tokante e bringamentu. Algun ratu despues un persona ku tabata enbolbí den e bringamentu, a mèldu su mes na hòspital ku diferente herida. Ta investigando e kaso.

Den kaso outo pega na kandela:

Detenshon a kai


KRALENDIJK- 12 di yanüari último Ayera, djamars 5 di mart, alrededor di 6'or di mainta, un entrada hudisial a tuma lugá na un kas situá na Kaya Caranjito.

E entrada tabata den kuadro di un investigashon relashoná ku e kasonan di kandela di outo ku a tuma lugá riba e anochi di djabièrnè

12 di yanüari último den e área di Tera Kòrà. A detené un hòmer di inisial L.S.d.P. di 43 aña di edat i a konfiská diferente artíkulo relevante pa e investigashon. Durante e entrada hudisial a topa tambe ku un arma di kandela ku munishon. A konfiská e arma. Investigashon den e kaso ta kontinuá.

Aksidente pikòp i outo na Kaya Korona


KRALENDIJK- Ayera, 5 di mart alrededor di 12:45 di mèrdia a tuma lugá un aksidente entre un pikòp i un outo di famia riba Kaya Korona. No tabatin herido i tambe tiki daño material. Kolaboradó di CRS a yega na e sitio pa atendé ku e partidonan involví.



Ainda no a limpia Boka Washikemba

KIRALENDIJK – Te a muri debí na e petrolio ku ku djadumingu ainda no a a dreña. **BONERIANO** a limpia e petrolio ku a subi a komprondé ku kosta pariba di Bonaire, a probablemente e siman debí na un lancha ku a aki lo bai limpia tambe kèntel na Trinidad. Na Washikemba. Parse ku Lagun si por tuma nota ku motibu ku no a limpia ainda ta limpiando, ku kòntainer ta ku aki no ta trata di un sitio tambe poné na e sitio ei. turístiko manera ta e kaso ku bahia di Lac, na unda tin por ehèmpel aktividatnan di ‘windsurfing’. Tambe presensia di palu di mangel ta hasi Lac su medio ambiente mas vulnerabel ku Washikemba.

Boka Washikemba ta situá algun shen meter sùit di Lagun. Aki tin petrolio riba kosta, anke no na kantidat grandi. Por mira sí ku tantu na Lagun komo Washikemba tin basta piská



Segundo programa Herensia ku Vi Frank

KRALENDIJK – Awe djârason den e promé programa Herensia di siman, transmití atraves di Bonaire.tv, lo t’ei atrobe komo invitado Vi Frank di Aruba. Durante un bishita realisá na Aruba den luna di novèmber aña pasá presentadó di Herensia a entrevistá Vi Frank na dos okashon, di kua e promé Herensia a pasa kaba. E tempu ei Frank, kende ta

un 90+, a papia di su bida, den e di dos programa aki mas tokante su karera na Kadaster i un buki ku el a publiká tokante nòmbernan topográfiko di Aruba i nan nifikashon.

Viviendo (Vi) Frank den pasado tabata direktor di Kadaster na Aruba. Den e funshon aki el a sera konosí hopi bon ku e teritorio di su isla i nòmber di lugánan. El a publiká komo promé

buki ‘Aruba en een keuze uit haar toponiemen’. Un buki di 232 página.

Ta un buki ku a demandá hopi di su outor. E mester a konsultá diferente archivo i biografia. A tarda hopi pa e buki sali pa motibu ku Vi Frank mester a bai investigá den terenonan deskonosí p’e i ku no ta su disciplina: Arkeologia, antropologia, lingwístika, historia, etc.

Vi ta papia den Herensia tokante su trabou pa a realisá e buki, den kua e ta atendé alrededor di 300 sitio. E programa ta bai den aire djârason 6 di mart pa 12’or di mèrdia na Bonaire, ku vários ripitishon durante tres dia. Por mira e kanal aki tambe riba Cariflix i na Bonaire.tv/live.



Eli Deli Cafe B.V.

ta buska

Banket bakker 40 ora pa siman

-idioma: spaño, ingles i papiamentu.

-min 2 aña di eksperensia, edat min 25 - max 35.

Pa mas info yama telefòn **795-4709**

Gezaghebber interino Nolly Oleana:

“Boneiru a skapa di un desaster grandi”

KRALENDIJK -- E lo tabata un di e simannan mas difísil komo Gezaghebber interino. Nolly Oleana a keda informá djaluna ku e derame di petrolio na kosta ost di Boneiru. A sigui un siman agitá. Djabièrnè tur bich a habri atrobe. E promé mandatario a bisa: “Nos a skapa di un desaster grandi.” Den e reportahe di NOS djasabra 2 di mart, Oleana a bisa: “Boneiru a skapa di un desaster.” I enbèdat kualkier persona ku a sigui e notisia di e krísis petrolero na Boneiru desde djaluna, por konkluí ku Boneiru a salba su mes di kosnan mas pió.

Petrolio a yega e kosta ost i a kontaminá gran parti di bich i kosta. A haña vários para i piská morto.

Pa Oleana, tabata un spanto djaluna. Den un komentario e ta bisa: “Ora mi a mir’é, mi a keda impaktá mesora. Mi a pensa, esaki ta e komienso di hopi miseria. Mi ta hopi satisfecho ku e trabou ku mi a mira di tur hende. Mi no a spera ku nos por a limpia tur e sobrá di e sushedat asina lihé. Mas despues e daño no tabata asina grandi.”

Spantu

Caesar Finies ta un di e gerentenan di Jibe City na

Sorobon, a bisa: “Djamars mi tabatin miedu ku no tabatin niun hende den awa. Nos a pasa den e tipo di kosnan akí promé. Pero pasobra e biá akí a yega hopi, nos a tende e gobièrnu. E komunikashon ku nan a bai bon. Tur dia pa 2’or tabata tin un konferensia di prensa. Esei a bai bon.”

LVV, Brantwer, STINAPA, Entidat Públiko Boneiru i asta Defensa, a intervení. Nan a purba ku tur nan forsa pa saka petrolio for di e playa. E petrolio a drenta bahia di Lac. Pero te awe ta parse ku tin un desaster natural. Negoshi na kosta ost mester a sera

pa tres dia, pero tambe a habri atrobe djabièrnè.

No tin zeta nobo

For di djabièrnè, e playa di Sorobon ta habri atrobe. Bo por a mira esei. Un avalancha di hende a keda notá. Hopi hende a bai playa. E petrolio ta parse di a disparsé pa gran parti. Finies ta bisa tambe ku e por bai Sorobon bèk sigur: “Mi no a haña ningun parti nobo di petrolio. Ni aki, ni na final di playa.”

Prekuashon

Apesar di e alivio pa e landadónan, e poblashon di Boneiru i e kompanianan di Sorobon, ta rekomendá

prekoushon. Segun Oleana, ainda no ta konosí si petrolio nobo lo yega Boneiru: “E esenarionan tabata parse ku e lo a pasa nort, òf sùit di e isla. Nos a pensa ku nos lo a haña un tiki di zeta. Despues a resultá ku nos a hasi un kalkulashon robes. Durante e konferensia nashonal di orkan di aña pasá na Merka, nos a siña ku nos mester ta sumamente kuidadoso den duna informashon, òf konseho. Pasobra e por krea pániko i miseria. Mi a komprondé di Meteo Merikano ku bientu por kambia e último wikènt. E por tin konsekuensia pa e isla.”



Eli Deli Cafe B.V.

ta buska

Barista

-idioma: spaño, ingles i papiamentu.

-min 1 aña di eksperensia, edat min 25 - max 35.

Pa mas info yama telefòn **795-4709**

PAGA TINU KI NÒMBER BO TA DUNA BO MES!

Ma awor, asina SEÑOR, bo Kreador, ta bisa, O Jakòb, i Esun ku a formabo, O Israel: "No tene miedu, pasobra Ami a redimíbo; Mi a yamabo na bo nòmber; bo ta di Mi! Isaias 43:1(BS)

Mi no por; mi no ta sirbi; mi tin miedu; nan ta hari mi; bo ta bobo; bo ta chapo; esta gordo òf flaku bo ta; bo kabes ta duru! Gritunan ku nos ta kontemplá den nos mente pa ku nos mes òf ta manda nan den direkshon di otro.

Nos por pensa negativo di nos mes, papia malu di un otro; ma ningun di esakinan ta definí realmente ken nos ta. Asta e nòmber riba nos sertifikado di nasementu no ta definí ken nos ta, ora nos tin Kristu Hesus komo Rei i Salvador di nos bida.

Algun nòmber ku Dios ta yama bo:

- Redimí i pordoná – Efesionan 1:7
- Aseptá – Romanonan 15:7
- Skohí – Efesionan 1:4
- Ungí i seyá – 2 Korintionan 1:21-22
- Santu – Kolosensenan 1:22

Esaki ta algun nòmber ku Dios ta duna Su yunan, tin hopi mas.

Laga nos ta hopi kouteloso kiko nos ta pensa di nos mes i ki nòmber nos ta duna un otro persona.

Abo tambe ke tin e siguransa i konfiansa ku bo tin un nòmber spesial reservá serka Dios? Rekonosé ku bo ta un pekadó i no por salba bo mes. Pidi Dios pordoná bo pikánan i asepta Hesus komo bo Salvador personal. Mesora E ta bira Rei di bo bida i ... un dia lo bo risibí un nòmber nobo serka Dios – '... i lo Mi dun'é un piedra blanku, i riba e piedra un nòmber nobo skirbí ku ni un hende no konosé, sino solamente esun ku risibié.' Revelashon 2:17.

Abo ya tin un nòmber nobo reservá serka Dios?

Gilda Beukenboom-Sintjago

Produkshon PGM

Programanan di Bonaire.tv

TELBO kanal 70

Flamingo TV kanal 23

Djárason 6 Mart 2024

12.00 Herensia:	Vivienno (Vi) Lindy Frank 2
13.00 Aki Aruba:	Atan Lee (Museo)
14.00 Herensia:	Martins Cecilia
15.00 BAPA:	Josella Chula Martinez
16.00 Herensia:	Larry Thielgard & Hugo Romero (Kompilashon)
17.00 Aki Boneiru:	Timothy De Laat
18.00 Herensia:	Luisa (Oei) Makaay
19.00 BAPA:	Pastor Ogando
20.00 Aktualidat:	Hennyson Thielman i Junny Wout
21.00 Aki Statia:	Dominga Matos
22.00 Herensia:	Luciana (Lulu) Sint Jago
23.00 BAPA:	Michiel Bijkerk & Cirilio Batista

Tur mèrdia 12’or ta kuminsá un programashon nobo di 4 ora.

E programashon aki ta ripití pa 24:00.





DEN PASO DI BÒI

Tin kos bunita tambe ta pasa den bo bida. Manera un mensahe via app ku mi a haña di un hòmer di 90 aña (Loi Molina) ku ta bon lesadó di BONERIANO: "Boy, mi no ke kita muchu di bo tempu. Komo un bon lesadó di BONERIANO mi a lesa ku promé di mart bo ta kumpli 48 aña komo periodista. Sigui adelante ku kurashi. Sigui trapa ariba dede di esnan ku ta kritiká. Envidia ta algu peligroso. Hasi orashon, konfia den Dios. Kòrda ku un apòstel di Kristu a traishon'é. Prepara bo mes bon, pa selebra 48 aña komo periodista. Ta honor pa abo, e mucha di Antriol i tur e barionan di Boneiru. Un sugerensia: laga un bon kòki prepará un bon sòpi di bè, trahá ku awa di Pos di Amor, parti na ofisina di gobièrnu, òf na un skol. Asina, apesar di envidia, lo bo muestra nos hendenan aki na Boneiru ku e sòpi trahá ku awa di Pos di Amor ta un sím-bolo pa rekordá ku Dios ta amor i e ser humano

ku tin amor no ta envidiá, no ta warda renkor. Esaki ta mi sugerensia komo e mucha di Rincon pa e mucha di Antriol. Amor ta tapa tur kos. Ami ku mi pèn."

Aña pasá na luna di mei m'a entrevistá Loi Molina na San Nicolas, Aruba, na unda el a biba i traha gran parti di su bida. Loi, kontrario na mayoria hòmer boneriano ku a bai Aruba, no a traha na Lago. El a traha den sektor di hóreka. Mi ta kontentu di por a graba e storia di su bida ya kasi un aña pasá na Aruba pa Herensia.

Papiando di Herensia, wikènt pasá m'a mira pa promé biá e Herensia ku nos a graba ku Haime Janga, kende a fayesé siman pasá. Djasabra tabatin entiero. Nunka mi no a mir'é promé. Kasi mi no ta mira e programan ku m'a graba bèk kompletu. Djis un pida kisas. Pero esun ku Haime sí mi a mira kompletu na momentu ku a ripitié na

okashon di su morto. Tabata un bunita entrevista ku kontestanan sinsero, for di kua bo ta nota e boneriano humilde i simpel. E tabata un persona spesial, pero servisial, kariñoso i amabel ku tur hende.

Mi no ta kansa di bisa ku humildes i simpleza ta balornan grandi den bida di un hende. Keda simpel, keda humilde, manera bo ta. Semper mi a trata den mi bida pa tene mi mes na e regla ei. Un regla di oro. No laga nada susha mi kabes. Mi ta loke mi ta i ta trata di keda loke mi ta.


Mi no tin masha amigu. Esnan ku realmente ta mi amigu ta hendenan simpel di pueblo. Asina mi ta i no otro. I no ta difisil pa keda manera bo ta. Bo por haña mi ta sinta kome den un restaurant di nivel, pero tambe bou di palu na kualké kas di hende humilde. Posishon òf sèn no ta susha mi kabes. Mésun bon ku mi tabata ku mi amigu-

nan di infansia, manera Ròspi, Simon, Lando i Rishi Kar'i Apel, mi ta ku nan te awe. I mi tabatin nan tur, ku eksepshon di Lando, den mi programan di televishon. I lo mi sigui entrevistá mas di nan.

Un simpel piedra ku nos a pone riba e página di

facebook di BONERIANO a lanta hopi reashon.

Ki hende ta mira den e pueblo aki kara di hende, kabes di yuana i turtuga, asta kara di un dama na Kòrsou ku lo a tilda bonerianonan di ta buri-ku riba facebook. Prèt!





E famoso piedra ku m'a topa durante kaminata di djadumingu. Mi no a bai kuné. Awor ku el a haña tantu fama lo mi ke bai busk'é bèk.

MONCHI & TONCHI

Bores mester bira griffier di BONERIANO, ya nos tambe ta haña 'snoepreisje'

Awèl sí, pasashi 'first-class' pa kana den mondi...



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com

avisobon@gmail.com

Wèpsait: www.extraboneiru.com

Facebook: Extra Boneiru

Direktor

Shirley Martis
785-3824
796-3824

Hefe di redakshon

Nathaly
Evertsz-Ipcendencia

Redakshon

Papi Antoin
Edson Pietersz
Ibi Piar (deporte)

Partner na Aruba

Awe Mainta
Partner na Kòrsou
Extra
Partner na Boneiru
Live99

Layout

Maya Beaumont

Konsehero:

Bòi Antoin
786-6818

Aviso

avisobon@gmail.com

PÁGINA SOCIAL

Den dushi kompania di otro

Por konsiderá un partido di futbòl un bon okashon pa nos hendenan sosialisá. E potrènan ta ilustrá esaki.




The most complete payroll and HR software in the Caribbean!

Payroll Pro
HRM

Download the mobile app!

www.payrollprohrm.com

Google Play App Store

Eksplorá kaminda ku ta bai Rincon

KRALENDIJK -- Dia di Rincon. Komo Tourism Corporation preparashon pa e di 35 Bonaire (TCB) ta aniversario di e dia di preparando su mes pa fiesta nashonal akí, TCB



ke rekordá bishitantenan i komunidad di Boneiru riba e tremendo aventuranan ku nan por eksperensia riba e kaminda prinsipal ku ta kondusí pa Rincon.

Rincon ta e pueblo mas bieu di Boneiru i e ta brinda nos isla un enkanto spesial. Ta importante pa dediká tempu i atenshon na kultura i patrimonio di nos isla i esaki ta loke ta pasa durante henter luna di aprel. Na kaminda pa e dia grandi riba 30 di aprel, hopi aktividat i evento ta bai tuma lugá. Pa mas

informashon tokante Dia di Rincon por manda un email pa info@diadirincon.org òf bishitá e wèpsait www.diadirincon.org

Kaminda prinsipal

E kaminda prinsipal ku ta bai Rincon ta konsistí di 5 parti, Kaminda Gurubu, Kaminda Tras di Montaña, Kaminda Sabana Piedra Krus, Kaminda Onima i Bulevar Miguel Pourier. Kada parti tin su prenanan skondí ku ta hibá bo riba aventura, miéntras bo ta desvia for di e rutan di kustumber. Tuma un kurashi i kana kaminda normalmente ningun hende ta bai i kompartí bo eksperensianan ku TCB.

Koriendo riba Kaminda Gurubu, na bo man robes bo ta haña Kaya Karibe ku ta hibá bo Nort'i Saliña i bisindario. Na man drechi bo ta haña e vèlt di futbòl, kaminda klupnan lokal ta entrená. Sigui kore un tiki mas i bo ta haña e kaminda

ku ta bai Finca Verde, na unda bo por gosa di un tranquilidad i silencio ku ta pertenesé na un estadia leu for di siudat. Sigui e kaminda ku ta bai Pos Gurubu. Aki tras tin ruta pa kaminata ku ta hibá bo riba aventura den naturalesa.

Riba Kaminda Tras di Montaña, bo ta haña e punto kaminda e rutan di kaminata den e área di Tras di Montaña ta kuminsá. Por haña mapa di e rutan akí na ofisina di TCB. Na man drechi bo ta mira un kaminda banda di un vèlt grandi. Einan tin un bòrchi for di e kampaña di e proyekto di señalisashon, ku ta kontá bo tokante historia di e área akí i si bo drenta Kaminda Seru Largu, bo ta alkansá Seru Largu, kaminda bo tin un bista hopi bunita riba parti sùit di nos isla.

Fèlt deportivo

Si bo sigui kore riba e kaminda ei, bo ta mira un vèlt di futbòl, un vèlt di beisbòl i un vèlt di bolas un poko dekaí. Habitantenan di Boneiru ta usa e vèlt di futbòl komo un vèlt pa trein kore blokart, un pista di aterisahe pa avion di modelo chikitu i un tereno kaminda ta trein kachó. Klupnan lokal ta usa e vèlt di beisbòl pa trein pa nan kompetensianan di beisbòl.

Tin ora e vèlt di bolas ta parse bandoná. Ora ku temporada di bolas kuminsá



vakatura

Griffier Insular Entidat Públiko Boneiru

E organisashon

Griffier Insular ta desplegá un papel esensial den funshonamentu di demokrasia lokal. E ta sostené Konseho Insular i konsehlanan ku nan tareanan, i ta pèrkurá pa un bon organisashon i guia di e proseso di reunionnan i otro aktividatnan di e konseho. Aña pasá a inisiá un trayekto importante di mehorashon i refuerzo dentro di e organisashon. Na nòmber di Entidat Públiko Boneiru nos ke drenta den kontakto ku kandidatonan pa e funshon ariba mensioná.

E funshon

Komo griffier bo ta e promé persona di kontakto i e konsehero prinsipal di Konseho Insular i otro organonnan relevante. Bo ta prepará reunionnan di konseho insular, bo ta duna sosten durante e reunionnan i ta pèrkurá pa un tomo di desishon efisiente. Tambe bo ta konsehá riba posishonamentu stratégiko, organisashon i funshonamentu. Banda di esei bo ta promové bon relashonnan polítiko-atministrativo. Bo ta responsabel pa profilashon eksterno di e organisashon i bo ta duna guia di manera inspirante i motivante na empleadonan di griffie.

Profil deseá

E kandidato ideal tin un nivel di traha i pensa akadémiko, ku eksperensia hurídiko òf atministrativo. Eksperensia ku tareanan similar ta rekomendabel. Bo ta sintibo kómmodo den relashonnan polítiko-atministrativo i prosesonan di tomo di desishon. Bo por anda bon ku e konteksto polítiko i atministrativo den un komunidad chikitu pero -na mes momento- tin biaha kompliká.

Ademas bo tin bon abilidadat komunikativo, forsa di konvikshon i kapasidatnan di liderazgo. Banda di Hulandes i Ingles, bo ta dominá Papiamentu sin mas. Riba papel bo ta mas fuerte ku promedio. Tambe bo ta rekonosé bo mes den aspektonan di karakter manera integridat, resistensia pa strès, tumadó di inisiativa i fásil pa aserká.

Ta fèrwagt di e kandidato ideal ku e ta sea biba na Boneiru, òf en todo kaso ta dispuesto pa muda pa Boneiru riba término korto.

Informashon i solisitut

Por wak informashon tokante e posishon vakante via www.linkels/jobs.html
Por solisitá via email dirigí ku un karta di motivashon i CV na señor Harald Linkels, via harald@linkels.com
promé ku 10 di mart 2024,



Un evaluashon sikológiko, investigashon di referensia i siguridat ta forma parti di e prosedura. Mester hasi petishon di i suministrá un VOG.

Linkels & Partners
PSYCHOLOGISTS | TRAINERS | CONSULTANTS





atrobe, nan ta drech' é i despues di esei e ta kla pa nan us' é di nobo.

Riba Kaminda Tras di Montaña, bo ta haña un hanchi ku ta bai Dos Iguana, Outdoor Fitness Gym by Annemieke i Tera Barra. Dos Iguana ta un akomodashon ku ta laga bo eksperensia e estilo di bida di kunuku na Boneiru. Outdoor Fitness Gym ta un

tremendo alternativa pa e gym regular, pa motibu ku bo ta den naturalesa i bo tin un bista fantástiko riba e paisahe miéntras bo ta trein bo bòdi. Por bishitá e gym akí solamente ku sita i e ta bou di guia di e entrenadó Annemieke, ku bo por alkansá pa medio di yama e number di telefòn 785-4393, òf pa medio di manda un email na info@

byannemieke.nl.

Terra Barra ta un hardin endémiko kaminda nan ta usa mata endémiko pa krea paisahe ekológiko. E hardin akí ta habrí djaweps i djabièrnè di 8'or pa 12'or di mainta i djasabra di 8'or pa 1'or.

Patrimonio

Riba Kaminda Tras di Montaña na bo man drechi bo ta haña Tanki Maraka, e parke di patrimonio di Segundo Guera Mundial, un museo na aire liber ku ruina for di pasado i bòrchi ku echo i potrèt históriko riba nan. Un tiki mas leu na man robes tin un hanchi ku ta hibá bo Bonaire Botanical Garden.

Finalmente kasi na kabamentu di Kaminda

Tras di Montaña bo ta haña Wanta Brek Snack, un bar kantu di kaminda sin nòmber riba dje, kaminda hendenan ta para pa bebe algu ora nan ta bai Rincon, òf ora nan ta biniendo bèk for di Rincon. Mayoria biá e ta habrí den wikènt, prinsipalmente riba djadumingu, pero no tin un orario ofisial ku e ta habrí.

Na kuminsamentu di Kaminda Sabana Piedra Krus, promé ku bo baha seru, tin un hanchi na man drechi. Na final di e hanchi akí bo ta haña Landhuis Ernestina, ku ta disponibel komo akomodashon, òf komo sitio pa evento. Si bo kita na man drechi i baha seru, bo ta mira e pista di Bonaire Landsailing Adventures. Ora bo pasa Piedra Krus, un monumento den forma di un krus, finalmente bo ta mira un bòrchi ku ta indiká e kaminda pa bai Fontein. Fontein ta e úniko fuente di awa dushi na nos isla ku ta kore den forma natural i ku na luna di òktober 2023 gobièrnu a kumpra bèk.

E ta temporalmente será te ora nan por hasi e trabounan pa pon' é disponibel pa komunidat.

Onima

Na man drechi bo ta haña Kaminda Onima ku ta bai Onima.

Promé ku bo yega Onima, bo ta mira un tereno será ku ta forma parti di Dragstrip Bonaire, kaminda amantenan di motosaikel por kima tayer. Ora ku seguidamente bo kontinuá riba e kaminda di tera i bira na man robes riba e pida kaminda mas largu, bo ta yega na e kuebanan di Onima ku pintura di indjan. Despues bo ta sigui kore i pasa banda di e boka yamá Boka Onima.

Ora ku bo subi Bulevar Miguel Pourier, bo ta dilanti di porta di Rincon. Via e kaminda akí bo ta dreña Rincon. Si bo tira un bista rònt di bo, bo ta mira kon e paranan ta bula i kon kabritu ta kana riba e barankanan na kantu di kaminda.

Na honor di e festividatnan ku ta na kaminda, TCB ta invitá tur hende pa kompartí nan eksperensianan riba e kaminda pa Rincon riba medionan sosial ku ayudo di e hashtag-nan #bonaireisland #yesbonaire #bonaire #itsinournature.

WEB BONAIRE
WATER- EN ENERGIEBEDRIJF BONAIRE

WEB heeft momenteel een vacature voor de functie van:

Laboratory Coördinator

Werkzaamheden zijn o.a.:

- Leidinggeven aan de Laboratory Assistenten en coördineren van de dagelijkse werkzaamheden in twee onafhankelijke laboratoria op verschillende locaties
- Verantwoordelijk voor de planning en output van het Lab en voor de kwaliteitscontrole van Intake zeewater RO-water, Drinkwater en Afvalwater (influent en effluent) en rapportage en advies dienaangaande
- Coördineren van de dagelijkse, wekelijkse en maandelijkse chemische analyses en communicatie met de desbetreffende interne en externe betrokkenen (zoals Bonlab, T&H en Zorg en Welzijn)
- Ondersteuning en advies geven aan de interne klanten (BU Water en BU Waste Water) inzake procesvoering betreffende onder andere fouling, waterbehandelingsystemen en legionella
- Ondersteuning verlenen aan de Business Units inzake chemische waterkwaliteitsprocesvoering, met aandacht voor de organoleptische en microbiologische waterkwaliteit, corrosiecontrole en kwaliteitshandhaving
- Kwaliteitscontrolesystemen ontwikkelen en opstellen logboeken en documenten geleid door relevante wetgeving

- Zorgdragen voor de opstelling van Standard Operating Procedures (SOP's) inzake validatie en testmethodes conform de geldende lab-normering en BES-wetgeving
- Verantwoordelijk voor beheer en onderhoud van de afdelingsapparatuur, waaronder de validatie en kalibratie van de meetapparatuur
- Zorgdragen voor metingen in het kader van de afhandeling van klachten aangaande de waterkwaliteit

Profiel van de ideale kandidaat:

- Afgeronde HBO-opleiding (richting Laboratorium) of vergelijkbaar
- Minstens 3 jaar ervaring in soortgelijke functie
- Leidinggevende ervaring en capaciteiten
- Integer, discreet, flexibel en risicomijdend
- Ruime kennis van relevante (moderne) test methoden
- Beheersing van de talen: Nederlands, Papiaments en Engels


Sollicitatie:

Indien u in aanmerking wenst te komen voor deze functie, ontvangen wij graag **15 maart 2024** uw motivatiebrief en Curriculum Vitae t.a.v. de afdeling Human Resources per e-mail: hr@webbonaire.com

Voor meer informatie over Water- en Energie Bedrijf Bonaire N.V. (WEB) bezoek onze website www.webbonaire.com

Kaya Gresia z/n
+599 715 8244
info@webbonaire.com

[linkedin.com/web-bonaire](https://www.linkedin.com/company/web-bonaire)
[facebook.com/webbonaire](https://www.facebook.com/webbonaire)
www.webbonaire.com



Impreshonante santu sakrifisio di misa pa Ruth Damascus

KRALENDIJK

-- Mishon kumplí, un deseo grandi ku a nase serka Ruth Damascus i su famia, pa hasi un misa djaluna 4 di mart. Durante e santu sakrifisio di misa, Pader Marc Hooijschuur, tambe bon amigu di Ruth, a dun'ê Santa Oleo. Esaki ta algu ku a pasa pa promé bes na Boneiru segun pader Marc.

Ken ta Ruth Damascus-Martines

Un mucha di Antriol lantá na kunuku Tra'i Montaña. El a kasa ku Rafael Damascus i nan tin 2 yu hòmer i 4 nietu. Gran parti di su famia ta yam'e Tanchi Ruth, den pasado a topa ku un malesa, pero el a sobrebibí esaki i a kontinuá ku su bida.

Kiko e tabata hasi pa hende

E tabata hasi hopi kos pa kas di Señor, entre otro organisá aktivitat pa rekoudá fondo pa misa i un biá pa luna, huntu ku Pader Marc, parti hostia



na kas serka esnan ku no por yega misa. Ruth a hasi diferente kos mas, manera huntu ku dos amiga lanta un kor, Kor Flor di Coromoto, ku te ainda ta aktivo kasi 40 aña. Ki mas bunita tabata ku e kor a animá e atardi aki. E tabata un pilá fuerte, fundadó, den e organisashon di Kanker Fonds na Boneiru.

Algun di su kosnan, pero ya pa algun luna Ruth a hala tras for di tur aktivitat. Esaki debí na e malesa ku a atak'ê un biá

mas. El a lucha fuerte algun luna, pero sierto momentu el a aseptá. El a mira ku Dios tin un otro plan pe. Sabiendo ku su kondishon di salú no ta masha stabil, e tabatin algun deseo. Entre nan e tabata deseá pa Pader hasi un misa spesial i risibí Santa Oleo riba e dia.

Esei ta loke a sosodé djaluna 4 di mart. Ruth a yega misa i no por a kere su bista kuantu hende tabata sper'ê na misa, huntu ku Pader. Misa tabata kankan di hende, manera Pader Baak lo a bisa.

Ruth a traha tambe huntu ku Pader Alphonsus Baak den pasado. El a drenta misa i a pasa e momentu stabil, sin niun momentu yora, miéntras gran parti di esnan den misa a emoshoná i tambe yora. Esei ta hende ku Dios a krea. Ke òf no ke, e ta bini di su mes.

Algun persona a dirigí palabra na Ruth, awor ku e mes por a skucha kada hende su deseo pe. Esaki a pèrkurá pa hopi emoshon i Ruth a dirigí palabra na nan: "No yora. Ta fuerte. Awe ta un dia alegre pa nos tur."

Hopi no por a kere nan bista i orea, kon fuerte Ruth tabata, sintá bon mucha, manera ta bisa, skucha tur e mensahe ekspresá na dje, palabranan di gradisimentu. Di e manera akí Ruth a mustra tur presente, apesar kua situashon ku bo ta den, tene fe, konfia den Dios i ta honesto ku awe bo tei i e dia ku bo no tei, tambe ta

yega. Biba bon ku otro, tur dia. Esei ta amor i Dios ta amor.

Agregashon di skirbidó: "No pasobra un persona risibí Santa Oleo ta nifiká e falta poko pa fayesé. Nos sa ku ta Dios ta disidí i ta sosodé ku miéntras un persona a risibí Santu Oleo, un otro ku no a pasa e proseso, ta bai asta promé.

Prueba ku Santa Oleo no ta pa konta dianan di un ser humano. Na Kas di Kuido Fundashon Mariadal, tin mínimo un persona, ku tin mas ku 2 aña ku el a risibí Santo Oleo. E ta bon, solamente e no ta kana. Kome, bebe, papia, hari i kòrda tur kos.

Tanchi Ruth tambe a ekspresá su mes na tur ku tabata presente pa medio di su yu Francis: "na nòmber di mi kasá Rafael, mi yunan Rafmildo i Francis, boso tur ku ta presente awe tardi huntu ku nos i a bishitá mi na hospital tambe na kas. Esnan ku a bini for di eksterior, spesialmente pa mustra atenshon. Danki, mi ta apresia. Danki pa e kuminda spiritual i pa e kurpa. Nos ta sigui konfia den Señor pa tur kos. Mi ta hopi agradesido na Raishel mi nietu, ku a duná mi e nòmber di 'Ala', mi ta hopi kontentu i felis ku mayoria

hende ta yamá mi awor 'Ala'. Danki na mi nietunan ku a bini spesial pa mi. Danki na e mi 4 nietunan pa tur kos. Ala stima boso. Alejandro Rodriguez i Pader Marc, masha danki pa tur orashon i e atenshon na mi persona i ta bishitá mi. Esaki for di mi kurason pa boso." Gezaghebber Nolly Oleana i su esposa, tambe tabata na misa, pa duna atenshon na nan bon amiga.

Potrènan ta ilustrá parti di e santu sakrifisio di misa. Hopi a komentá, esta fuerte e muhé akí ta, sintá trankil dediká na Señor, sin preokupashon, miéntras otronan ta kargá ku emoshon. Esei ta klaramente, poder di Dios den hende. Awor Ruth ta sigui den man di Señor.





Percy Pinedo

Nos idioma materno

Dokumentashon

Trahandu den medio di komunikashon pa añanan largu, kada bes di nobo mi ta keda asombrá, kon na Kòrsou nos ta trata nos patrimonio kultural intangibel, pero tambe kon doñonan di obranan, poema, komposishon musikal ets., kon nan mes ta trata nan kreashon. Danki na hendenan manera Yapi Martijn, ku a dokumentá parti di nos herensia musikal den dos tomo: Kòrsou musikal I i II, ku nos tin algu di referensia.

Mi no kier menshoná nòmber di ken no, pero di ken si a trata nan produkto manera mester ta. Mi tin dos ehèmpel di kon mester ta: Boy Dap, ku tin tur su komposishonnan masha bon wardá i ku semper tabata masha krepchi banda di su diskonan, i tambe Macario Prudencia. Despues di morto di Makai, tur su komposishonnan, partitura i diskonan ta den man di su subrino Erwin Prudencia.

Si awor akí bo ke sa algu tokante un di nos baluartenan, bo mester ta manera reshèrshi di FBI pa bo yega na nan informashon.

Por ehèmpel di Cedric Ridderplaat, Ced Ride, Erquimedes Candelaria, Rudy Plaate i Rignald Recordino, pa menshoná algun, si bo ke tin nan produkshon kompletu, lo bo mester hasi yamada na pueblo, pa pueblo aportá i yuda kompletá e bida musikal di e kompositor/kantantenan akí.

Otro ehèmpel, den dékada 80, Ced Ride, e tempu ei trahando na Servisio di Kultura, a organisá e festival di mas grandi ku nos tabatin na Kòrsou. Un festival ku



a dura 7 dia i den kua a presentá diferente artista grandi di Kòrsou i dos artista internashonal ku un laso fuerte ku Kòrsou, esta Celia Cruz i Daniel Santos. “Festival di Añanan 50” a tuma lugá den Hilton Hotèl. A filma i graba e festival akí, pero nunca Servisio di Kultura a haña e grabashonnan akí. Ta riba Youtube, nos por mira algu di e festival akí, ku Alex Alberto a hasi.

Ami, ku tabata parti di e produkshon ei, pa prufia ku mi tabata, a saka e oudio di e festival ei kompletu i asina ei, ounke ta e parti di oudio mi tin e festival dokumentá.

Kimu Candelaria

Mi a disidí di dokumentá bida di Kimu Candelaria (nasé 20 di aprel 1915) i mi tabatin mester di su fecha di nasementu. Den ningun buki/revista esaki no ta pará, ni tampoko den korant. E ora ei mi a kòrda ku tin un kaya na su nòmber i mi tabata kòrda mas o ménos ta na unda. Ora mi a haña e kaya, mi a haña e bòrchi aki bou.

Bisando esaki, mi ta yega na e persona di Erquimedes, “Kimo” Candelaria.

Ta ku masha doló i ku hopi pasenshi por a haña informashon di Erquimedes Candelaria. Famia di Kimo, tampoko

tin masha informashon di dje.

Papiando di herensia kultural intangibel, chèk kuantu buki bo ta haña tokante bida di Celia Cruz, Daniel Santos, Hector Lavoe, The Beatles, Michael Jackson ets. Ku eksepsion di un página den buki di Yapi Martijn, un artíkulo den Independiente di Stanley Cras, i un artíkulo den Amigoe di Kòrsou, mi no por a haña masha informashon di e kompositor/kantante krioyo akí.

Trio Melodia

Segun mi, i ningun otro kaminda mi no a tende ni lesa otro, Trio Melodia tabata e promé trio di Kòrsou, formá pa Erquimedes “Kimu” Candelaria, Isaac, “Shaki” de Windt i Juchi Minguel. Nan tabata protagonista di muzik di Matamoros na Kòrsou.

Julio Perrenal (Julio Perrenal tabata nòmber ku René de Rooy a forma di e lèternan di e nòmbernan Jules (de Palm), Pierre (Lauffer) i René (de Rooy)) ta e promé nan pa komponé na papiamentu (Merengue Merikano, Jorando, Amor Loco, Cuba Libre, Premio di Feria, Mi Pushi, Anne Marie, Scuridad, Gasolin i Situacion). Despues Trio Melodia a tene duru na komposishonnan na

papiamentu.

Kimu a kanta i toka kitara den Típiko Sta Rosa i den Grupo Folkloriko Antiano e tabata toka mandolin. Ku Grupo Folkloriko Antiano el a bishitá diferente pais.

Inspirashon

Un otro gran kantante/kompositor ku a traha ku Kimu tabata Agustu Gressmann. Kimu a skibi diferente komposishon den forma di puña, pa rifero, pa polítiko, i tambe di relashonnan kibrá ets.

Konosí ta piesanan manera: Esta bira Madam, Aziñn Banana (lesa blog Aziñn Banana).

Polítika tabata inspirashon sigur pa 2 piesa di Kimu, “Chubatu Bieu” ku Doble R a graba despues, ku tabata un puña pa doktor (“Chubatu bieu bo ta. B’a kore kosta mi amigu bon. Bo tempu a kaduká pa un penshon di behes. Chubatu bieu bai drumi un banda, Ta lamchi di mosa ta manda awó) E lamchi ei lo tabata Ephraim Jonkheer (artíkulo den Independiente di Stanley Cras). I despues el a bandoná fila di Demokrat i saka un pa “Fein “ titulá “Laga mi afó” (“Bo deseonan tur ta kumpli. Bo ta gosa di un perfekto salú. Mi no ke ta un pruga antó den bo shimis, dia nan trese bo sekretonan na kla.”)

Konosí tambe ta e komposishon di Kimu: Kaya Grandi di Otrobanda, relatando e negoshi di bendementu di number. Nan ta bisa, ku e rifero di mas duru e tempu ei, Fèchi Dorand lo a tuma esaki p’e i a pidi Pierre Lauffer kontestá Kimu, loke ku Pierre a hasi: “Tin hende ta mira otro ta buska pidi pan, nan ta hasi mané ta duele, ta rabia ta choka

nan. Mete bo den bo asuntu, laga mi na mi lugá. Ki ora ku bo kohe number, 21 ta bo preferí.

Awor bo ta kana yanga ku unifòrm bistí. Ke subi riba nos lomba, ke pasa pa gran kantor.”

Anto aki ta kaminda Kimu a komponé e piesa ku a hasié inmortal: Para Pretu

Un parti di pueblo ta gusta mi fleit,

Otro parti ta rabia mashá.

Mi t’un para di pluma i balor,

pues pa mi pinto m’a ser distinguí.

Mi ta un para pretu ku balor;

mi ta trese kambio ku amor;

si mi’n fleit nan no por drumi bon,

sin tende mi inspirashon

Morto di Kimu

Den Festival di Añanan 50, den Hilton Hotèl, den mi trabou komo stage manager, mi a aserká Kimu riba stage durante su aktuashon i bis’é: “Kimu esaki ta bo último piesa.” I Kimu a kontestá mi den mikrofon pa henter sala tende: “Mucha bai, laga mi hasi mi kos”!

Dia 12 di febrüari 1992 a haña Shaki morto den su kas, 29 di desèmber 1993 Juchi a muri i 18 di yanüari 1994 Kimu a bai sosegá. Nan entiero no a haña e atenshon ku nan a meresé.

Den Amigoe di Kòrsou di 21 di yanüari 1995, Sra. Ietteke Witteveen a pidi, ku maske ta póstumo, pa duna Erquimedes “Kimu” Candelaria e rekonosementu komo e prekursor di kansion na papiamentu.

Kimu, bo a laga un tesoro musikal atras pa nos i ohalá esaki sigui zona i sigui biba.

Dies simpel sugerensia di un saserdote pa no kai den tentashon di murmurashon

“Murmurashon ta destruí reputashon di personanan. Nan ta destruí matrimonio. Nan ta mina e obra de Dios. Nan ta plama odio i temor”: **Dwight Longenecker**, antiguo pastor anglikano kombertí na katolisismo na 1995 i ordená saserdote na 2006, influyente kreador di opinion katóliko di retnan, deskribí asina e malu di hasi redu. Murmurashon “ta terorismo”, a yega na kalifik’é **Francisco**: “Esun ku ta bai

papia malu di e otro ta bai na skondí, ta tira e bòm i ta bai. I bòm ta destruí”. Papa ta proponé un remedi: “**Ora bo tin gana di papia malu di otro, morde e lenga**. Lo mas probabel ta ku e ta hincha, pero lo no hasi malu ku bo rumannan”. Abundando riba e idea akí, i rekordando ku “las murmurashon ta manera un kanser ku metátesis, **ku ta kita di un lugá i ta aparesé den otro**”, Longenecker ta ofresé den *National Catholic Register* algun konseho pa no kai den tentashon di difundir e kanser akí.

hon di difundir e kanser akí.

1. No kere ningun hende i kere henter mundu

Den otro palabranan, kere loke ku tal òf kual persona a hasi di bo. Nan ta bisa realmente ku loke a bisa ta bèrdat i for di nan perspektiva ta bèrdat. Sin embargo, rekordá ku *semper, semper, semper a eksistí otro vershon* di e historia. Pues, no kere nan. Stòp i morde e lenga.

2. Rekompilá tur echanon

No konfundí echanon ku e palabra di ningun hende. Averiguá loke ku a sosodé realmente konsultando tantu personanan komo sea posibel.

3. Akudí na e fuente

Pa amor di Dios, tene e balentia i grasia i e sentido komun pa akudí na e fuente. Si Mildred ta papia *redu tokante di George*, akudí na George pa averiguá e echanon.

4. Konedé henter mundu e benefisio di duda

Kere lo mihó, no lo pió. Si bo skucha algu malu di un persona, imaginá dikon nan a hasié (si ta ku realmente a hasié) o kua tabata por ta su motivashonnan.

5. Keda ketu

Bo no ta obligá na papia ni na bisa tur kos na henter mundu. Inklusu un bobo ta parse sabi si keda e boka será. **Papia, manera hopi, mitar di loke no ta skucha.**

6. Kuestioná e redu

Bo no ta kere i bis’é suavemente na e persona: “Bo sa realmente si esaki ta bèrdat?”

7. Enfrentá esun hasidó di redu fuerte

“Loke mi ta kontando mi ta askeroso, un murmurashon

destruktivo! Mi ta nenga na kere e mi ta kere ku **lo mester mantené e boka será!**” (*Post scriptum*: Mi no ta gusta loke bo ta bisa.)

8. Pone bo wowonan den e bèrdat

Dikon **pèrdè bo tempu** den murmurashon idiot i inútil?

9. Pensa riba otronan

Bo sa ku bo ta gusta na murmurá? Pasobra **no ta sinti bo mes superior**. Murmurá negativamente riba otronan pasobra bo ta kere ku nan ta mihó ku nan. Asina ku bo ta dispuesto na venená i destruí su bida pa sinti bon pa algun momento. Ki asko!

10. Resa pa e personanan involukrá

Ofresé komo sakrifisio un plegaria: *Señor, tene piedat.*



E orashon di mas bunita

- Dios, duna mi riba e dia di awe fe pa sigui padilanti.
- Duna mi grandesa di spiritu pa pordoná.
- Duna mi pasenshi pa komprende i spera.
- Duna mi boluntat pa no kai.
- Duna mi forsa pa mi lanta si mi a kai.
- Duna mi amor pa duna.
- Duna mi loke mi mester i no loke mi ke.
- Duna mi elokuensha pa bisa loke mi mester bisa.
- Hasi p’ami ta e mihó ehèmpel pa mi yunan.
- Hasi p’ami ta e mihó amigu di mi amigunan.
- Hasi mi un instrumento di Bo boluntat.
- Hasi mi fuerte pa risibí e gòlpinan ku bida ta duna mi.
- Laga mi sa kiko loke ke Bo ke di mi.
- Duna mi Bo pas p’asina mi por kompartié ku esun ku no tin’é.
- Por último, kana ku mi i laga mi sa ku asina ta Prinsipio di e formulario.

INVITASHON

KAMINDA di KRUS

2024

animashon musikal

Djamars

19

MAR T'24

KUMINSÁ I TERMINÁ NA

7:30AM

un i tur ta keda invitá pa ban resa i reflekshoná huntun

Bin djòin e grupo di Baha Bunita di 30 mart pa 29 yùni 2024

Kurso Baha Bunita

ku durashon di 13 siman pa máksimo 10 persona i baha minimó 13 kilo.

E aktividat Kurso Baha Bunita ta mainta 8or pa 10or of atardi 6'or pa anochi 8'or di djaluna pa djabièrnè ku guia nutritivo i fitness ku personal trainer.

E kurso ta kosta Naf. 415.00 i ta inklui:

Buki Menú, Buki di Reseta, Fitness 5 bes pa siman.

Si bo permití pa hasi promoshon ku bo via medionan sosial bo ta paga solamente Naf. 325.00.

Guia ta un bes pa siman djasabra mainta 9'or serka e Melly Bergland, Wellness Coach.

Pasa na Piramid Top òf yama 869-7733 òf app 520-8544, pa bo sa e reglanan ku bo tin ku kumpli ku Baha Bunita 2024.

STATIA/SABA/ST. MAARTEN

Kaminata Move pa kura a rekoudá 8.200 dòler

PHILIPSBURG -- Positive Foundation, Still Beautiful, and Elektraljets Foundation, resientemente a risibí e apoyo hopi nesario di CIBC Caribbean, operá komo CIBC FirstCaribbean den Karibe Hulandes, ya ku nan a risibí fondo di e kaminata pa kura aña pasá.

E evento di kanamentu di aña pasá a rekoudá 8,200 dòler i lo yuda e fundashonnan ku inisiativa manera nan grupo di apoyo pa kanser di pechu. E grupo di sosten a kuminsá na mei

2023 i ta reuní tur luna, ofresé sosten na pashèntnan, sobrebibientenan i nan famianan.

Oradornan motivá, storianan di sobrebibiente i oradornan invitá, manera Sentro Médico di St. Maarten, dòkternan i dietistanan, ta uni pa diskutí tópikonan esensial manera kon pa soportá kanser, eksperensia di kuido i biahe, nutrishon i kuido propio, entre otro tópikonan relevante. E fundashonnan ta sigui ku e esfuerso akí na 2024 ku un

programa anual.

‘CIBC FirstCaribbean's Walk for the Cure’,

ku a kumpli 12 aña na 2023, ta e rekoudashon di fondo kontra kanser mas grandi den e region, a surgi komo parti di e selebrashon di e di dies aniversario di e banko i awor ta tuma lugá den henter e imprenta regional di e banko.

E fondonan rekoudá for di e kaminata ta destiná prinsipalmente pa yuda den kumpra i mantenshon di ekipo uzá pa diagnostiká i trata pashèntnan cu kanser.



Delegashon di Statia na Hulanda

ORANJESTAD (EUX) -- Un delegashon di miembro di Konseho Insular, Kolegio Ehekutivo, Ofisina di Registradó i Ofisina di Sekretario Insular, ta na Hulanda pa un konferensia di trabou di tres dia ku a kuminsá djaluna.

Durante e konferensia di 4 pa 6 di mart, Gobièrnu

di Statia ta presentá su posishon riba e revishon di e lei di Entidatnan Públiko BES i e lei di finansa di Entidatnan Públiko BES, huntu ku delegashonnan di Saba i Boneiru. E posishon di Statia, ku ta inkluí kontribushon di diferente organismo gubernamental, a keda resumí den un

informe ku ta konsistí di 12 punto klave. E informe akí ta sirbi komo un kontesta ofisial di Gobièrnu di Statia i a keda ratifiká unánimemente durante un reunion ekstraordinario di Konseho Insular djaweps 28 di febrüari. E ta disponibel pa públiko riba e website di Gobièrnu.



ROA kompleto na Isla Riba

ISLA RIBA -- For di 1 di mart, e tim di ROA CN for di Saba i Statia, ta kompleto. Brian Carty ta e atkishon di mas resien na Islanan Ariba i ta e persona ku por tuma kontakto kuné na Statia den su funshon komo

konsehero i entrenadó.

Na Saba e funshon aki ta yená pa Jarno Knijff. Huntu ku e tim di ROA CN, spesialmente Fernon i Judette, nan ta traha pa desaroyo di konekshon entre edukashon i e merkado laboral.



Konseho Insular no ta kontentu

Alida Francis nombrá Gezaghebber di Statia

ORANJESTAD (EUX) -- BES Reporter tin informashon konfiabel ku e komisario aktual di Gobièrnu di Sint Eustatius, Alida Francis, a keda nombrá komo Gezaghebber nobo di e isla.

E nombramentu ta tuma lugá despues di un proseso hopi largu den kua Francis i otro kandidato tabata spera pa hopi tempu un desishon final di Sekretario di Estado, Alexandra van Huffelen.

Tambe ta informá ku e Konseho Insular kompleto a sostené un di e otro kandidatonan den e proseso. Sinembargo, awor ta parse ku van Huffelen i e ministerio di BZK, no a

sigui e konseho akí

Un fuente, serka na e proseso ku a papia ku BES Reporter bou kondishon di anonimato, ta indiká un relashon ya tenso ku Francis, ku den pasado ya a kondusí na un proseso di mediashon entre Konseho Insular i Francis.

Miéntas ku e proseso pa nombramentu na Sint Eustatius awor ta parse di a yega na un konklushon final, a habri e proseso pa reklutá i nombra un Gezaghebber nobo di e isla di Boneiru bèk. Ámbos kandidato final den e prosedura akí resientemente a disidí di retirá nan kandidatura.

(Fuente: BES Reporter)



ARUBA

Vi Frank Jr. a presenta coleccion di storia 'Halado' na Biblioteca Nacional

ORANJESTAD -- Vi Frank jr. hunto cu su studiantenan a presenta un coleccion di storia titula 'Halado' na biblioteca. Un produccion cu un grupo di escritor cu a participa n'e curso di Skirbimento creativo cu Vi Frank jr. a duna na biblioteca.

Presentacion tabata exitoso, pa un sala yen yen di fans y famia. Vi Frank a conta un poco di e proceso y di e curso y su studiantenan a declama poema of un fragmento di nan storia

pa duna publico un idea di e contenido! Bukinan a bende manera pan cayente!

E escritornan di 'Halado' tin un storia di autor Vi Frank jr. E otro escritornan aspirante ta: Valerie Figaroa, Shaitza Oliveira, Philomena Ida Croes, Julie Thode, Ian tromp, Dominico Werleman, Gina Paula, Noris van Lis-Donata, Adelaida Ponson, Shuraima Quant, Ann Angela, Josina Boekhoudt, Astra Paesch y Helene Arends.

Maltrato fisico ta mucho mas cu solamente golpi na curpa

ORANJESTAD -- "Mi no a merece loke mi a haya for di mi casa," ta un reaccion di un dama kende pa 18 aña di bida matrimonial di un total di 20, el a wordo maltrata y humilla pa un esposo kende a hura dilanti di altar, cu lo cuida di dje den bon y den malo. Dos persona cu fuera di e keda 20 aña casa, tabata den un relacion di caso 30 aña pero cu a cambia di un dia pa otro, ora cu riba un dia, un anochi cu e victima no lo lubida pa resto di su bida, su esposo a dal un bofta masha fuerte na su cara. Tabata algo cu e dama cu curashi aki no a spera y cu a cambia su bida formalmente y cu despues a sigui crece bira un nachtmerrie di marca mayor for di cual nunca el a sali te na momento cu morto realmente a separa nan.

AWEMainta a combersa c'un dama cu a pasa den un serie di maltrato, caminda el a confirma cu for di e prome cant'i man cu el a ricibi, esaki no solamente a haci hopi dolor pero a horta su confiansa y su tranquilidad for di dje. E victima aki, mescos cu centenares di otro aki na Aruba, a pasa dianan dificil, caminda el a perde confiansa den su mes, cuestionando

semper ta kico e por a haci malo, cu a conduci na e cambio drastico aki, di un homber cu tabata un figura ehemplar na su trabou y den seno di si famia.

E victima no a haya ni oportunidad di busca un motibo di e maltrato aki, ya cu practicamente tur fin di siman, ora cu e casa bebe e maltrato ta bira automatico, hortando su dignidad y honor, guiando su mente den un mundo di scuridad sin salida.

Siendo un dama c'un bon educacion, c'un bunita cas y dos tremendo yiu, el a biba siman tras di siman den un lama di incertidumbre riba kico e tin cu haci, con e tin cu haci esaki of si realmente e situacion aki lo tabata algo pasahero.

"El a kibra mi man un bes pero ni asina mi tabatin curashi di entrega denuncia contra di dje ya cu mi no tabata kier pa mi yiunan pasa den e periodo fastioso aki di separacion, ya cu nan tabata stima nan tata."

AWEMainta aki tin cu señala cu lamentablemente e dama aki, no ta un caso riba su mes ya cu masha hopi hende muhe luchando contra di e hombernan abusado, sin cu nan tin un solucion pa saca nan mes for di un relacion agresivo asina.



Minister di Integracion na forum di Organizacion Internacional di Imigrantenan

ORANJESTAD - Diabierna ultimo, Minister di Integracion Glenbert Croes a atende un forum organisa pa e Organizacion Internacional di Imigrantenan riba un estudio cu nan a haci relaciona cu e Venezolanonan cu ta biba na Aruba. E estudio aki tabata basa riba e edad di e migrantenan, unda nan ta trahando y con nan ta aportando na e progreso y economia di pais Aruba.

Minister Croes a indica cu actualmente tin hopi oportunidad di trabou den e sector priva, debi na e desaroyo turistico cu tin. E trabounan aki, lo mester wordo duna primeramente na yiunan di tera, despues

na e cuidananonan stranhero cu ta biba na Aruba y cu a pasa e screening na DPL y DIMAS. Pa cu esaki, Gobierno ta consiente cu e proceso mester cana mas liher, y pesey a introduci aña pasa, e maneho nobo pa yuda facilita esaki. E maneho aki, no ta pa habri porta pa tur stranhero cu kier bin traha na Aruba. E ta pa e peticionnan cu wordo haci, por cana su proceso mas lihe pa por haya un contesta mas lihe tambe.

E mandatario di Energia,, Labor & Integracion a expresa cu no ta tur ora ta popular pa carga e titulo di minister di integracion. Esaki pa motibo cu nos ta bibando den un mundo na unda tin

opinionnan hopi polarisa y tin hopi resentimento. E mandatario a splica cu ora nos como Arubiano biaha bay vakantie na un otro pais, e ta nos deseo pa wordo trata di e mihor manera, y e trato aki, nos como Arubiano tambe mester duna nos bishitantenan. Aruba ta conoci pa ta un isla cu hendenan amabel y cordial, y asina nos mester keda trata tur hende, sea local of internacional, nan mester wordo trata di e mihor manera.

"Como Arubiano, nos lo acepta tur esnan cu ta bin Aruba di bon voluntad, y cu tin e deseo sincero pa traha y yuda hiba e pais dilanti. Pa Aruba, e lo ta di gran beneficio pa tin mas hende cu ta aporta na e caha di SVB, AZV, Impuesto y na e economia en general di e pais. Esaki ta e sentimento cu ta compana e maneho di Gabinete Wever-Croes II, y e maneho di mi ministerio como Minister di Integracion" Minister Croes a expresa.



KÒRSOU

International School of Curaçao a tene ‘Clothing Day’

WILLEMSTAD -- Tur aña di nobo studiantenan di International School of Curaçao (ISC) di Global Issues Network (GIN), ta organisá diferente tipo di aktividat ku ta brinda servisio i ayudo. Esaki ta inklui entre otro mantené ISC su kampus liber di uzo

di plèstik den tur forma, organisá dia pa mucha di ménos rekurso pa haña un eksperensia dor di bin ‘shop’ na ISC, bishitá kasnan di grandi, rekoudá kuminda pa bestia, buska mobilario pa diferente skol i hopi mas.

Djasabra último, 2 di

mart, studiantenan di GIN a tene nan di 10 edishon di ‘Clothing Day/ Clothing Drive’ na International School of Curaçao, ku e meta pa muchanan di ménos rekurso, for di diferente kas kaminda muchanan ta residensia, tin e eksperensia di ‘shop’.

E evento akí ta konosí komo ‘GIN Shopping Experience’, òf mas bien ‘Clothing Day’. A transformá e sala di ehersisio na ISC den un pakus grandi kaminda alrededor di 700 mucha, for di diferente fundashon, a haña e invitashon pa pasa un dia spesial pa nan ‘shop’ i haña e eksperensia akí.

E aña akí tambe, esaki tabata un éksito completo. E muchanan a disfrutá di e ambiente, buskando paña,

ko’i hunga i algun otro asesorio di nan mes eskoho.

Studiantenan di GIN a trese un brio di goso den bida di e muchanan akí.

Preparashonnan a start algun siman pasá kaminda e miembronan mes a kolektá e pañanan, surti nan na sais i transformá e sala pa hasi e eksperensia unu plasentero pa e muchanan ku a bin ‘shop’.

Studiantenan di GIN ta orguyoso di lokual a hasi i mas ku klaro lo sigui hasi.



Cpost ke hasi entrega di pòst duradero

WILLEMSTAD – Cpost International i Bob Eco, a uni forsa pa eksplorá e posibilidatnan di koperashon. E meta ta pa oumentá e fleksibilidat di e servisionan di entrega di pòst na Kòrsou i redusí e tardansa.

Den un reunion resien entre Jervhes Josephia, CEO di Cpost i Peter Somers, CEO di e grupo Bob Eco, a surgi un vishon huntú destiná pa revolushoná e servisionan di pòst. Nan a diskutí kon por usa teknologia inovativo pa mehorá e efisiensia, sostenibel i eksperensia di e kliente di Cpost.

Cpost ta komprometé su mes pa revisá i inová su modelo di integrashon pa mas satisfakshon na e nesidatnan di su klientenan, ku un énfasis fuerte riba rèspèt pa medio

ambiente i aplikashon di solushonnan inovativo. Esaki ta den liña ku e metanan di gobièrnu pa redusí gastunan i stimulá desaroyo sostenibel.

Debí na e éksito di Bob Eco ku lansamentu di motosaikel eléktriko pa entrega di kuminda na Kòrsou, e asosiashon akí ta ofresé un oportunidat úniko pa usa e vehíkulonnan eléktriko avansá di Bob Eco pa e servisionan postal di Cpost. E vehíkulonnan akí ta ofresé benefisionan manera mas largu alkansé i tempu di karga mas lihé, esensial pa entrega efisiente di último mia.

E meta di e asosashon ta pa kambia e panorama di e servisionan di entrega radikalmente dor di promové efisiensia i sostenibel.

Huntu, Cpost i Bob

Eco, ta hasi esfuerso pa transformá no solamente e entrega di pòst, pero

tambe otro sektornan di entrega, loke mester resultá den un ekosistema

mas ekológiko i ekonomikamente sostenibel den e region.



DEPORTE

Boneiru ta gana den kareda outo RC na California

KRALENDIJK -- Miembronan di Vroom RC Bonaire ta bini kas ku 5 trofeo, ku nan a gana fin di siman na California.

E grupo RC Drivers ku siman pasá a biaha pa kompetensia na Bakersfield, California, 1/5 (FIFTH) SCALE OFFROAD WORLD CHAMPIONSHIP 2024, na Good Ol'boyz RC Club and Raceway, a saka kara di Boneiru ku bon resultado.

Resultado:

- Elton Johnson – 3rd World Open Rookie A-Main (4WD)
- Ivan Coffie – 4th World Open Rookie A-Main (4WD)
- Ethuriel Nicolaas – 3rd World Open Rookie A-Main (2WD)
- Ethuriel Nicolaas - 4th Buggy Sportsman (4WD)
- Robby Soliano - 4th World Open Rookie A-Main (2WD)



En buska di 180 den Dart League Bonaire

KRALENDIJK – Mas o ménos 20 darters ta reuní tur djamars anochi pa kompetí den e liga di dart di Boneiru. E torneo ta organisá pa prinsipiamentan, pero tambe pa mihó hungadó. Segun e organisadó, Gerbrand Dongelmans, no ta trata solamente di honor, pero mas ku tur kos, di pasa un anochi agradabel.

Na Foodies a transformá un espacio

ku ta duna un atmósfera manera e darters ta reuní tur djamars anochi pa kompetí den e liga di dart di Boneiru. E torneo ta organisá pa prinsipiamentan, pero tambe pa mihó hungadó. Segun e organisadó, Gerbrand Dongelmans, no ta trata solamente di honor, pero mas ku tur kos, di pasa un anochi agradabel. Na Foodies a transformá un espacio

reuní pa hunga un torneo. Tur siman tin un sistema di eliminashon i e promé diesseis eventualmente ta avansá pa e siguiente rònt. Sinembargo, tambe tin lugá den e torneo pa personanan ku no por hasié bon ainda. Tur hende ta bon biní. Konvivensia ta hunga un ròl importante akí, e organisadó Dongelmans ta bisa.


(Fuente/Foto: Bonaire. nu)



DEPORTE

Kopa Lito a kontinuá fin di siman

Kopa Lito a kontinuá e fin di siman ku a pasa. Tabatin diferente partido riba diferente fèlt. Riba e fotonan parti di e weganan i tambe e resultado.

				
Results Week 2 Kopa Lito 2024				
Kategoria U11A&B				
U11B	Titans B	3	ATC B	2
U11A	Young Boys	0	Vitesse	1
U11B	Titans C	2	Real Rincon	9
U11A	Titans	0	Redstars	0
U11A	ATC	4	Juventus	0
Kategoria U13A&B				
U13A	Titans	6	ATC	0
U13A	Redstars	2	Juventus	0
U13B	Titans B	7	ATC B	0
U13B	Titans C	0	Vitesse B	2
Kategoria U15A&B				
U15A	ATC	3	Flamingo	3
U15A	Titans	8	Redstars	2
Kategoria U16 Meisjes				
U16M	ATC	3	Real Rincon	2



Hato Nation Performance un realidat

KRALENDIJK -- Hato Nation Performance (HNP) a bira un realidat, awor ku nan unifòrm pa di e manera aki nan ta bon presentá.

Ta trata di un grupo di amigu koredó di motosaikel, ya hopi aña ta move, tantu na Boneiru, Aruba i Kòrsou, ku nan motosaikel. Awor nan tin nan propio nòmber i unifòrm.

For di mucha nan a lanta huntu den e mundu di korementu di

motosaikel. Kasi tur fin di siman nan ta move huntu ku nan motosaikel. Esei ta nan distraishon. E grupo poulatinamente ta kresiendo.

Awor nan ta konsistí di 16 miembro.

Kabesantenan di HNP ta Ernesto, Rasiman i Rugo.

Nan meta ta pa gosa di e bida di motosaikel, paseo ku motosaikel, partisipá den show di fever i tambe dragrace.



Kouchi pa kliko na parada di bús den mal estado

KRALENDIJK -- Na yanüari 2023, Evidensia Real tabatin un sita ku SELIBON pa por a hasi algun pregunta relashoná ku sierto situashon den komunidad, ku tabatin mester di atenshon di parti SELIBON. Un di e preguntanan di Noel Janga di Evidensia Real, tabata relashoná ku e klikonan na e paradanan di bús.

Algun tempu pasá

Banko Maduro a hasi donashon di kouchi pa pone e klikonan aden pa pone na e paradanan di bús. Ku tempu probablemente pa motibu di vandalismo, e kouchinan aki kibra.

Durante e sita na yanüari 2023. Janga a bin komprondé ku e kouchinan nobo tei kaba, ta solamente tin ku dekorá nan pa pone nan. Dentro di dos luna nan lo ta pone bèk, e bosero

di SELIBON a enfatisá. Ke men pa mart 2023 e kouchinan nobo aki mester tabata poné bèk. Awe nos ta un aña despues i tur kos ta

meskos. Burikunan ta hasi un desaster tur anochi ku e kliko na mentor, pasobra e no ta sigurá di tal forma pa protehá e kliko. Aki tin

sinku parada di bús di kua kuater kouchi ta kibrá i otro sin kliko mes. Ki dia e situashon akí ta kambia, Janga ta puntra.



\$249 3-Piece Patio Set



Leisure Chair **\$235**



Visit our second floor and see our beautiful patio furniture.



Teak Coffee Table **\$195**

Sun Lounger **\$249**



Woven Dining Set **\$325**